

# 2 atlet dinobat olahragawan, olahragawati

B HARIAN NASIONAL 20/3 m/s 27

**Kuantan:** Dua atlet sukan petanque, Mohammad Syahir Syahmi Hassan dan Laylatun Qadrina Amrizal, dinobatkan sebagai Olahragawan dan Olahragawati Universiti Malaysia Pahang (UMP) 2014, susulan kejayaan mengharumkan nama universiti itu di pelbagai peringkat.

Mohammad Syahir Syahmi, 22, yang juga pelajar Fakulti Kejuruteraan Mekanikal, meraih dua pingat emas dalam kejohanan Majlis Sukan Universiti Malaysia (MASUM) 2014 dan menyumbang pingat gangsa ketika mewakili negara dalam kejohanan Piala Asia di Laos.

Pemilihan Laylatun Qadrina, 20, yang juga pelajar Kejuruteraan Elektrik dan Elektronik, pula berdasarkan pelbagai kejayaannya termasuk memenangi pingat emas dalam kejohanan MASUM 2014.

Skuad petanque UMP turut menggondol tiga lagi anugerah menerusi atlitnya, Mohammad Syazwan Fauzi dan Nur Amirah Mohd Nasai yang dipilih sebagai Olahragawan serta Olahragawati Harapan UMP 2014, manakala pegawai pasukan itu, Nurfazilah Amin Nordin, menerima Anugerah Penyelaras Terbaik.

Jurulatih pasukan Sepak Takraw UMP, Ahmad Suhaimi Abd Rashid, menerima Anugerah Jurulatih Terbaik manakala Anugerah Pasukan Terbaik dimenangi skuad bola keranjang.

Sementara itu, 18 atlet menerima insentif kecemerlangan bernilai di antara RM200 hingga RM700, selain empat pasukan iaitu petanque, sepak takraw, futsal dan bola keranjang.